

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 1496 del 26/05/2022**

**Traduzione in cimbri**

# **Lavròu, Folgrait, Lusérn: schiar 18 mildjü euro arbatn**

**Da soin schiar 18 di mildjü euro vor näuge arbatn boda soin khent vürgelekk vor di lentar vo Lavròu, Folgrait un Lusérn: an vrait atz 13 von madjo zo reda übar di bichtegarsten prodjèkte iz gest dar vorsitzar Maurizio Fugatti, in prèss punkt bodase iz gehaltet verte azta iz gest da provintziàl Djunta boda iz khent gemacht atz Lavròu pinn Pürgemaistar Isacco Corradi un pinn ändarn vüarar.**

**“Bar soin drumauz z’arbata zo pezzra di pintom vo Lavròu pittar hauptstatt, un vor ditza azpe Djunta habar inngeschribet in Plån von arbatn 10,2 mildjü euro vor in bege von Laaz boda bart pasàrn dar Giro d’Italia – dise soinz di börtar von vorsitzar Fugatti – aft disan bege straordinardjo soinda sa drå zo khemma gemacht di earstn arbatn vor schiar 1,2 mildjü euro. An ändadar prodjèkt geat å in bege boda vo Kaliå khint auvar zuar Folgrait, in lånt vo Dietro Beseno, da habar inngeschribet in bilantz 4 mildjü euro, un vor lest soinda khennt inngelekk in bilantz 3,6 mildjü euro vor in bege vodar Fricca. In gântzan soinz schiar 18 mildjü euro – hatta gemacht verte zo khöda dar vorsitzar – boda zoang no a bötta ke disa aministratziong hatt ka hertz di lentar vort bait von stattn: pròpio di pintom zbisnen ’z tal un di lentar von pèrng iz dar zentràl tèma boda iz auzkhent von “Stati generali della montagna”.**

Dise punkt vor punkt di arbatn:

Richtn un betarn in statàl bege n. 349 zbisnen in km 17,3 un in km 18 afte hoachebene vodar Vigolana in lånt vo Pian dei Pradi (bege vodar fricca): ma sait drå zo studjara bia, dar khost iz vo 3,6 mildjü euro.

Arbatn zo geredrega un sicharn in statàl bege n. 350 afte hoachebene vo Folgrait in lånt vo Dietro Beseno: ma lekk vür zo haba in prodjèkt verte vor da auz iz ’z djar un in esekutif prodjèkt in zboate drainånat von djar 2023, dar khost vürgelekk iz vo 4 mildjü euro.

Arbatn zo richta un zo geredrega in provintziàl bege n. 133 vo Monterüff (bege von Laaz) von km 6,6 aftz km 8,6 earstar toal: di arbatn soin sa drå, dar khost vürgelekk iz vo 1,2 mildjü euro.

Di ändarn arbatn zo betra un zo geredega in provintziàl bege n. 133 vo Monterüff (bege von Laaz) soin drå zo khemma prodjèktart un lai süachtma z’sega bia ma mage tüan in toal bege zbisnen in zboa galerian, dar khost iz vo 9 mildjü euro.

**Übarsetzt von Schaltarle vor di zung von Toalkamou vodar Zimbar Hoachebene**

(Traduzione a cura dello Sportello linguistico della Magnifica Comunità degli Altipiani Cimbri)

(cdt)